

BELLVM PANNONICVM

Illustrissimo, ac Reuerendissimo D.D.

IOANNI DELPHINO

AQVILEIÆ PATRIARCHÆ, &c.

NVNCVPATVM.

Auctore

IOANNE BAPTISTA NIGRONIO
DE AMPVGNANO CORSO.



VTINI, MDCLXVI.

Typis Nicolai Schiratti.

SVPERIORVM PERMISSV.

RELIUM TANNONIAM

1800

JOHN J. BELLINO

AND HIS ASSOCIATES

NEW YORK

JOHN J. BELLINO
AND HIS ASSOCIATES



NEW YORK

1800

JOHN J. BELLINO

ILLVSTRISSIMO,

Ac Reuerendissimo

AQVILEIÆ PATRIARCHÆ, &c.

IO. BAPTISTA NIGRONIVS.

Fcl.



Annonicum Bellum, Præsul Amplissime, non Pannonia modo ipsa, ac Germania, sed contermina illis, affinisque Foro-Julij Prouincia formidauit. quam enim Regionem non terreret exercitus, qui totam Bizantinis catenis Europam pollicebatur? Peruiæ iam Barbaris Alpes Cimbris antiquitus, atque Hunnis, auorum memoria Turcis aditum in Foro-Iulium referarunt. Cædes, vastitatem, incendia vestigia nondum deleta testantur. Per Esdrinæ arcis excidium nostrum iugulum peti; Naiasæl expugnata nostris cædibus præludere videbatur. Ocyus vero metus omnis euauit, & hostis ad flumen Arrabo cæsus securitatem asseruit. Auspicatissimæ tandem

Cæ-

Cæsaris nuptiæ tanta Europam omnem cum-
lauere lætitia, vt bellorum pericula, vel memo-
riam fugerint, vel cum voluptate solummodo
memorentur. Victori ad Arrabō Cæsari verna-
culis ipse Mafis plaufisti, fibiq. Cæsarei exerci-
tus Imperator, & victoriæ auctor Raimundus
Montecuculus tuum adeo Epiniciū gratula-
tur, vt non minorem inde, quam ex debellato
Turcâ iucunditatem ad se manasse testetur.
Bellum ego totum latinis numeris, te suafore,
qui præcipere poteras, complexus sum stylo
sanè materiæ impare; nec rei magnitudini re-
spondente: qualecūque opusculum est, tuum
est; in tuis ædibus auctoritate tua obstetrican-
te, ac clementia ab eo homine natum, qui quod
viuit, quod est, tuum esse beneficium prouidetur.
Vale.

AD LECTOREM.




Alueram hæc pauca carmina, vt
alia longè plura, quæ scripsi,
prælum diutiùs expectassent;
nisi amicorum consensus, quo-
rum vota frustrari, nec volo, nec
possum, lucem illis præprope-
ram, & nondum sanè maturam destinauisset. Fe-
stinatæ ab his editionis causam paucis aperiam.
Poematium de Bello Pannonico habitum est sub
ferias autumnales per Damianum à Bonitate in
huius Seminarij Aquileiensis ædibus, vbi Rhe-
thoricem, quandoq; etiam Philosophiam pro-
fiteor; qui adolescens eiusdem Seminarij Con-
uictor, tam eximiam in agenda soluta, vel ligata
numeris oratione à natura, & exercitatione fa-
cultatem adeptus est, vt citra hyperbolem æta-
tis nostræ Roscius appelletur. Oculos non mi-
nus, quàm aures affatur, quæque narrat, videre
potius, quam audire te credas; adedò suauioris
vocis opportunam inflexionem cum apto cor-
poris motu, & vocali consonantia manuum ac-
commodatè componit. Carmen cum tam benè
recitauit, suum fecit, longèq; melius auditoribus

obtulit, quàm à meo stylo cepisset. Creditum est
dignum oculis, quod tantopere auribus placuit,
sive mavis, imposuit. Qui igitur, interfuerant ian-
ctantes iniquè agi cum opere, nisi semel, & à
paucis auditum pluries legi posset à multis, il-
lud à me expresserunt, ut typorum prærogatiua
locupletiori de Venetiarum ædificatione Poe-
mati scripto iam antea præhaberetur. Hæc te,
Lector, præmonitum volui, ne fortè suspiceris
me cum pomilionem pepererim, quasi de gigan-
tea sobole gloriari. Si quid boni occurrerit, non
Mufis, non Apollini, sed diuinæ clementiæ im-
puta; mali, quod plurimum fuerit, me auctorem
agnoscis. Cæterum Bellum Pannonicum, quod
ego inculto, rudique metro cecinerim, diser-
torem vatem, pleniusque plectrum reposcit,
haud verò frustra in tam feraci sæculo Poeta-
rum; nec enim Marones sui augustissimo Cæsa-
ri deerunt, qui & Musarum nobilissimam Se-
dem Germaniam fecit, & ætatem planè auream
literis reddidit. Mihi aliquid innuisse sit satis.
Vale.

DE BELLO PANNONICO.

Liber Primus.

 *Impius arma furor, scelerataque bella laceffit,
Nullaque pax populis; abiecti in tela ligones,
Inq; truces & sus, humanaque funera vomer
Frangere suetus humum, pinguesque reuellere glebas
Migrat, & agricolis ferrum seruire recusans
Mortalem epotat per Martia castra cruorem.
Perfidus Odrysijs properat Gradivus ab oris
Pannonium temerare solum, superisque penates
Olim dilectos inhumata cadauera vexant.
Cede tepe scit humus, satiataque sanguinis haustu,
Heu miseris nutrit feralia fata colonis.
Bella igitur cantare iuuat, procul este Camenae,
Quae faciles curas, placidosque iubetis amores
Dulciloqua resonare cheli, cithara & decenti.
Martia noster amat, truculentaque classica cantus.
Tu mihi, quem magni veneramur Numinis instar,
Dexter ades, faciliq; iuua mea carmina vultu,
Optime Pontificum DELPHINE; biuerticis ora
Incola tu felix, & nulli plenior unquam
Carminis artifices undas largitus Apollo.*

*Siue Sophocleum placuit vestire cothurnum ;
 Et regum aduersos imitari carmine casus ,
 Grandiloquus , magnusque tonas , nec scena fragori
 Par erat vlla tuo , tantoque accommoda metro .
 Et te Medorus , Cleopatra , Lucretia , Cræsus
 Esse docent , qualem non tellus Attica vatem ,
 Non Romana tulit , victumque fatebitur illa
 Euripidem , hæc Senecam ; tibi gloria contigit vni ,
 Vt possis tragicae metam statuisse Camenæ ,
 Intactaque alijs præcingere tempora lauro .
 Seu lyrici placuere modi , Venusinaque plectræ ;
 Te duce Thebana testudine maior Hetrusca
 Barbitos , atque tibi numerosus Horatius impar
 Graiorum Euterpen Romanam aduexit in urbem .
 Calliopea tuum facilis consensit in æstrum ,
 Cum canis Ægeas feralia bella per undas ,
 Carpathiumque salum vulgatis cædibus auctum ;
 Thracibus erèptas Fratris virtute triremes ,
 Et propugnatam memorando robore classẽ .
 Auspice te bifidi tentare cacumina montis ,
 Et sacras pulsare fores fiducia suasit ,
 Quamuis exiguae firment vestigia vires ,
 Infirmoque loci subeam fastigia passu .
 Tuque adeo decus armorum , nostrique perenne
 Ornamentum aui RAIMVNDE , his numine captis
 Sis*

Sis mitis, facilisq. tuo, perque auia Pindi
 Me uehe, & ingenio diuinum Heliconareclude.
 Aduenia Musarum uetus es, nec bellicus ardor
 Pierios mentis potuit cohibere calores;
 Quique canenda facis cantu exprimis acta, nec exors
 Est calami, sauo quæ dextera fulminat ense.
 Interdum positis clypeo paulisper, & hasta,
 Ac frontem exutus galea sudore madentem
 Aonijs faciles modulatibus allicis auras.
 Non aliter manibus populanda ad Pergama natis
 Cæde fatigatus, nimioque subactus ab æstu
 In sua secedens tentoria fertur Achilles
 Æmonias tentasse fides, numerisque sonoris,
 Aut Agammenonij quæsisse obliuia raptus,
 Aut Patrocli hærentem pepulisse à pectore cadem.
 Non uirtute minor, numeris imitavis Achillem;
 Et modo Cæsareos cantu meditare triumphos,
 Quorum tu fueris pars magna, soloque fugatum
 Theutone, & in patrias Suecum remigrare coactum
 Cæde præmente niues; modo Turcæ ingentia passum
 Funera, & absumptas fluuiali in gurgite turmas.
 O mihi tam longe maneat pars ultima uite,
 Ut tua felici mediter præconia metro!
 Sim licet exiguus, magnis nec idoneus ausis,
 Saxa tamen bifidi superabo loquacia montis,

Inter & ascreos alacer numerabor olores.
Interea mihi dexter ades, iunctusque IOANNI
DELPHINO, cuius iamdudum totus inhæres
Pectore prælargos animi lucratus amores,
Propitiam exiguis aurem largire Camenis.
Contuderant armis geminata decennia Cretam,
Et Patris in Venetum Mehemetes dirus alebat
Immortale odium, scelerum non degener hæres,
Cum tandem inuadunt animum fastidia belli,
Sanguineæque faces irarum in corde tepescunt.
Desinit esse ferox, nec cædis iniqua voluptas
Pectus, ut ante capit, leuiusque in viscera seuit
Sanguinis atra sitis, tristisque libido nocendi.
Terribilem credas massyla per arua leonem
Seuitiem posuisse suam, tygridemve feroces
Excussisse animo sensus, oblitaque cædis
Pectora consilijs tandem patuisse benignis.
Hanc reor ingenuit genitrix Cythereia mentem,
Idaliusque puer, qui blanda cuspide sensus
Extulit, & dulces animo instillauit amores.
Impia femineos capiunt conclauia cætus
Vndique terrarum lectos, speciosa pudoris
Munera debentes, primæque gaudia regi.
Has Veneris sedes, obscænaque castra frequentat
Barbarus & dulces docilis producere noctes

Bellorum immites paulatim exoluit amores,
 Placatur Venetis, nullique irascitur hosti.
 Mitius ingenium, conuersaque vota tyranni
 Conijcit ex vultu, verbisque minister auerni,
 Qui comes assiduus, laterique perennis adheret.
 Nempe homini infenso superis, Caloque rebelli,
 Quo duce thuricremis depulsus Christus ab aris
 Exulat, & nullis surgunt altaria Diuis,
 Assistit summi de sede colonus Olympi,
 Qui cunctos homines quauis e gente creatos,
 Cuilibet addictos iuri custodit, at illi
 Ius nullum in mores hominis, qui militat orco,
 Quique Asia fines, & pingui peruia Nilo
 Arua, lybesque truces Stygias demittit ad umbras,
 Tartarcique iubet mandata capeffere Regis.
 Cognitio vix ulla Dei, vix astra regentis
 Numinis illuxit menti, cui sola voluptas
 Est Deus, & solum quouis pro numine regnum.
 At comes assiduus Flegetonis inheret alumnus,
 Inque suos fingit furialia pectora mores.
 Scuitie seruire docet, cumuloque nefandi
 Criminis humanos turbare à pectore sensus.
 Si pietatis amor, probitasque interdicat omnis,
 Eque animo fugiat veneranda potentia legum,
 Sentibus ignoscat, pœnasque merentibus addat.

Præmia, & insontes ullo sine crimine pœnas,
 Suppliciumque luant; fas omne abrumpat, & uni
 Seruiat ingenio, cui turpia facta probantur,
 Solaque blanditur violati infamia iuris,
 Moribus his regnum, firmari, ac robora sceptri
 Monstrat, & hanc unam dominandi prædicat artē.
 Me miserum, exclamat! furias expellere nostras
 Rex parat, & stygios tandem contemnere cultus.
 Pulsa fugit feritas, veterisque insania mentis,
 Exuit & monstrum, monstrique immane tyrannus
 Ingenium; non bella iuuant, cadesque nefandas
 Damnat, & humani sitis est compressa cruoris.
 Adriadum claræ vix tandem irascitur urbi,
 Et gentem superis placitam, pietatis alumnam,
 Sospite qua nunquam terra Italia spernet olympum,
 Parcius incensus, minus implacabilis odit.
 Scilicet exosus contemnere iussa Tonantis,
 Regnaque nostra pati Christum amplectatur, & aris
 Excolat, ac tutum sibi sternat in æthera gressum.
 Tum populos regis conuersa exempla secutos
 Magna Dei soboles, baratroque inimica profanis
 Cultibus ereptos felici destinet orbi.
 Exitium hoc nobis, quantum cum fulgida victi
 Fugimus, & stygijs mutauimus astra caminis.
 Cuncta timenda mihi tam tristia cepta minantur.
 Atque

Atque ubi mortalis metam consumpserit aui,
Sonsque minus nostræ caliginis antra subibit,
Quanta nec Odrysiis consuevit perdere Reges
Mole grauis scelerum, vitijque subactis iniquis,
Me flagra seua prement, atque acrior ignis aduret;
Quod delinquendi non utilis esse minister
Dicar, & ad culpas minus illexisse pudendas,
Nec facilem iuuenis pepulisse in crimina mentem.
Est tamen audendum, studijsque flagrantibus artes
Tartareas adhibere libet, fraudumque cateruam
Congerere, atque viam probris aperire patentem.
Dixerat; & secum reputans in Magmeda uerti
Destinat, atque noui sic spargere semina belli.
Magmed Arabas vilis fuerat pars infima vulgi,
Eque humili seruo Mercator diues olympum
Demeruisse sibi potuit, superisque videri.
Quin etiam egressus de corpore creditur ipsum
Inspexisse Deum. Mendacia Sergius auget,
Intenditque dolos, qui diro Magmeda morbo,
Sæpe laborantem diuino agitarier astro
Vulgat, & æthereo cumulari Flamine pectus.
Regnum Arabum diues victricia bella pararunt,
Seruilisque manus sceptro decorata nefandas
Gentibus Eois leges, ac iura notauit.
Lumina cum tandem vitalia virus ademit,

*Lethaeumque animum descendere inſit in orbem ,
 Sydereas adiſſe plagas , Caeloque putatur
 Additus æternos æquare Tonantis honores .
 Oſſa Mochura fouet pretioſo condita buſto ,
 Finibus ex Aſia cunctis quo credula migrat
 Munera turba ferens , falſumque in vota fatigat ,
 Vexat inextincto quem Tartarus igne , Prophetam .
 Huius in effigiem genus Mehemetis iturus
 Edificat ſubitum vicino ex aere corpus ,
 Et leuibus membris ſpeciem ſuperaddit inanem .
 Dixeris eſſe virum , qui luſtra peregerit octo ,
 Qualis erat , cum triſte dies tulit vltima fatum .
 Caſariem multo complectitur inſula nexu ,
 Altius vnde caput , protexit ſqualida vultum ,
 Conſumpſitque genas macies , ſinuofa recedunt ,
 Hirſutoque ſupercilio ſe lumina condunt .
 Inſtituta multicolor talos deſcendit ad imos :
 Dextra gerit baculum , veluti confirmet euntis
 Inceſſum , & lento libret veſtigia paſſu .
 Abdita Rex inuenis penetratia ſolus obibat
 Neſcio quid ſecum meditans , cum protinus illi
 Obuius eſt ſtygius ſub imagine vatis alumnus .
 Correptumque metu , greſſumque referre parantem .
 Talibus aggreditur dictis , atque increpat vltro :
 Ne fuge me , cuius tua pectus cura remordet ,
 Nec*

Nec supera latum patitur regione potiri .
Huius ego imperij , quod nunc tibi subditur , auctor ,
Qui terris superum reſeraui oracula Magmed ,
Et quamquam excelsi teneam ſaſtigia regni
Calicolum princeps , totoque verendus olympo ,
Et vix , qui terras , ac ſydera condidit vno
Regnatre minor , ſtudijs tamen acribus uror ,
Vt tua tuta ſalus , nulli tua ſceptra periclo
Peruia perpetuo vigeant , æuque perenni
Obtineat terras ſoboles Othomana potentes .
Sentio ; degeneres ſubeunt præcordia ſenſus ,
Teque tuæ ſortis , faciles tui ſydera curſus
Proſpera conciliant , & dexter conſulit æther ,
Pænitet ; ac veluti capiant ſaſtidia regni
Eſſe minor cupias , breuioraque ſceptra tueri .
Otia ſic animum vitiant ? ſic omnis in artus
Dira voluptatum genetrix , turpiſque quietis
Irruit , & veræ conſumpſit laudis amorem ?
Non dum Creta tibi poſt tot certamina ſeruit
Tota , nec accepit , quas ſcribit Thracia , leges .
Nondum pulſus abit Minoide Chriſtus ab ara ,
Extinctoque Deo , truculentaque funera paſſo
Gnoſſia terra litat , ſacrosque inſtaurat honores .
Proh pudor ! Ægeum cumulatum eſt cædibus æquor ,
Militibusque tuis tumulus fuit Helleſpontus .

Igri-

Ignibus absumptæ ventosa per æquora classes,
Et Venetum facibus tua Luna subinde flagrauit.
Nec tamẽ ignauus tam magnum ulciscere probrum;
Adriadumque paras Vrbi per fœdera iungi?
Quin age Christiadum iam totam à stirpe reuelle
Progeniem, populumque suis a sedibus omnem
Eijce, & inuisæ pereant vestigia gentis.
Corruat excelsa de vertice Roma, superbum
Imperij nomen, cui totus paruit orbis,
Nunc supero dici contermina postulat orbi,
Fida Dei statio, summique Vicaria Celi.
Subijcienda prius Germania; Casare victo
Bracchia Bistonij præbebit Roma catenis.
Hec dicens facili contingit stipite pectus,
Seque oculis Regis præpes subduxit ad instar
Exiguæ nebulae, quam turbidus excutit Eurus.
Attonitus iuuenis, rationis & indignus hæsit,
Non secus, ac rapidi subito quem spiritus afflat
Fulminis, & cuncto denudat pectora sensu,
Destituitque inopem vocis, nec membra mouentem.
Interea arcanum salit in præcordia virus
Stipitis attactu genitum, rabiemque medullis
Ingerit occultam, irarumque exsuscitat ignes.
Excutitur, veteresque abigens a pectore sensus,
Quos genuit pietas, odijs in immanibus ardet;
Esu-

Esurit infandas cædes, sitit alta cruoris
 Flumina, nec requies animum premit vlla furentem.
 Talis Idumæus quondam patuisse furori
 Creditur Herodes, rabiemque hausisse cruentam,
 Impia cum puero meditatus funera Christo
 Irrita vota tulit, nec tecta inimica tyranni
 Eoi repetunt Reges, quos sydus auitis
 Sedibus excitos Betlemia duxit ad antra:
 Cædibus Isacidum fundi incunabula mandat
 Protinus, & pueros primæuo in limine vitæ
 Ense premi, ac nullam Solimæa per Oppida prolem
 Masculeam crudele vetat non perdere ferrum.
 Christiadas vlcisci omnes, in funera gentem
 Trudere Bistonius, populumque tyrannus anhelat
 Perdere, & ipsum etiam penitus consumere nomen
 Ardet inops animi, stimulisque furentibus actus.
 Non ita Romuleas populari optauerat Arces
 Annibal, & diris Capitolia credere flammis.
 Mitius excelsis Aquileiæ turribus olim
 Athila seuibat, cum longo ad mænia Marte
 Hæsit, & obsidio consumpsit castra trimestris.
 Tu quoque Troianas minus implacabilis Arces
 Perdere quæsieras Menelæ, ubi perfidus hostis
 Se Paris abdiderat post raptæ crimina sponsæ.
 Extemplo accersi iubet in conclaue ministrum,

Om-

Omnia qui nactus supremo a Rege secundum,
 Sortitusque locum immeritis moderatur habenis.
 Bello, ait, Europam placitum vexare potenti,
 Cunctaque Christiadam donare voracibus armis
 Oppida, & ex totis Christum depellere terris.
 Romulidum sedes, gentemque impendere flammis
 Suadet amor, nostri quæ prima est nominis hostis:
 Sed per Theutonicas Romana ad tecta ruinas
 Esto gradus, Caesarque tuo pralude subactus
 Pontifici, cladesque suas, supremaque fata
 Sentiat exciso, metuatque in Theutone Roma.
 Dixerat; at supplex Visirius ebibit aure
 Iussa furentis heri, qui pronus in improba semper
 Facta, nec ingenio renuente in crimina pulsus
 His inhiat, spondetque fidem, belloque paratum
 Se probat, & nulli promittit abesse periclo.
 Protinus armiferas Asiæ per regna cohortes
 Imperat acciri, validasque in praelia turmas
 Classica ubique cient; quicumque impuberis æui
 Finibus egressus tractandis utilis armis,
 Vel senio nondum victus, propiorque sepulchro
 Nomina militiæ dare cogitur; arua colonus
 Deserit; infestum falces acuuntur in ensen;
 Vomeris usus abit, nec aratris terra secatur:
 Unus equos amor est ad fræna vocare vagantes.

*A Tanai ad Nilum Visirius arma capeſſi
Præcipit ; ad bellum Lydi , Caresque vocantur ,
Ionij , Atque Phryges ; Mirtoum qui mare cernunt ,
Ægeumve ſalum , & queis nomina tradidit undis
Icarus , infirmis nimium ſublimia pennis ,
Qui petiſſe auſus miſera patris arte periuit .
Quas vagus Euphrates , mediasque interluit oras
Tigris , ab emiſſo cui tradita nomina telo .
Scilicet hoc citior Nabathæum amplexus Hydaſpem
Perſica regna petit , rubrumque erumpit in æquor ,
Emiſere ſuos ad Thracia ſigna colonos .
Seruitij quondam indociles , faſcesque Quiritum
Sæpe aſpernatos , inuictæque Cæſaris arma ,
At nunc degeneres , & in omnia iuſſa paratos
Ad dirum Armenios mittunt Artaxata bellum ,
Pannonijsque plagis cladem meditatur Araxes .
Tu quoque deſertis patriæ decedere luſtris ,
Damnatique ſoli , Scythæ , vertere cogeris oras ;
Barbare , de rapto cui vinere ſola voluptas ,
Vnicus in præda cenſus , furtisque nefandis .
Te tuus haud Tanais frigente coerçuit unda ,
Pannoniumque ſolum , populosaque Theutonius arua
Barbariem timuere tuam , tremuere furorem .
His alimenta parant cum Mæſis Gargara campis
Cætibus ; hos ſegetes tellus Ægyptia nutrit*

*Imbre madens nullo, pluuio nec peruia Celo,
Niliacis sed mersa vadis, ubi Syrius agros
Æstifer exurit, laticesque in fontibus arent,
Intereuntque siti per apertos gramina campos,
Nilus aquis locuples non aggere claudirur vlllo,
Et superuectus fluuio septemplrice ripas
Mergit humum, vultumq; suum stagnantibus agris
Eripit, & fusis latet abdita terra sub undis.
Romanam Ægyptus quondam nutriuera't urbem,
Romanoque solo crescebat Nilus, at urbi
Nunc Bizantine famulatur, & horrea genti
Complet inhumana, messesque enutrit opimas.
Vt satis incensas, & in impia bella paratas
Bistonidum mentes sensit Flegetontis alumnus,
Qui Bizantinum falsi sub imagine vatis
Luserat, & stygia deceperat arte tyrannum,
In noua conuertit fraudum molimina mentem,
Fallacesque dolos iterum meditatur, & astum,
Ad mala qui segnis nunquam est, in damna laceffit.
Verum ipsi vetitum scelerati Principis aulam
Deseruiffe diu, ac non cominus esse negatum.
Tartara præpes adit, stygiaque è plebe sodalem
Aduocat. huic primum fraudes componere munus,
Fallere mortales, mendacem fingere vultum,
Voces, atque notas mira innouat arte, dolosque*
Rima-

*Rimatur penitus , fraudesque intelligit omnes .
 Proteus haud totidem membris inducere formas .
 Creditus, inque nouas olim migrare figuras ;
 Cum Leo, cum Serpens, Tygris, Panthera, Lupusque,
 Informisque Vrsus syluis errabat in altis .
 Piscis erat squamis indutus , & æquoris hospes .
 Stipitis interdum speciem simulabat , humique
 Fixus inhaerescens in opacos bracchia ramos
 Finxerat , & molles visi frondescere crines .
 Et modo, cum placitum pluuios liquefactus in imbres
 Frugibus humores, alimentaue falsa ferebat .
 Pronior in cunctas Flegetontius incola fraudes
 Nullius artis inops , mendacia natus ad omnia .
 Scilicet infantis per prima exordia mundi
 In colubrum versus dictis fallacibus Euam
 Cepit & ad vetiti deduxit pabula mali ,
 Vnde lues hominum fluxit , cumulusque malorum ,
 Quæque premunt nostram dura infortunia vitam .
 Inde nouis semper mortalia pectora vinxit ,
 Corripuitque dolis . Sampsonem hoc docta magistro
 Dalida decepit, causasque aperire potentis
 Roboris , & mirum suasit referare capillum .
 Somnia componit , sopitaque pectora vanis
 Ludit imaginibus ; quin & vigilantibus aufert
 Aspectum rerum , specieque eludit mani*

Lumina, cum medijs profert viridaria brumis,
Regalesque domos, effulsaque tecta columnis,
Hic ubi sylva riget, serpuntque per inuia sentes
Compita, & hirsuti connectunt vicula dumi,
Suspicienda parat, speciosaque spectra ministrat.
Hic vehit infames volucris sub imagine capri,
Mentitusve suem, vel dorsum immane draconis
Sagarum cætus, perque horrida tecta ferarum
Mendaces epulas, mentitaque fercula mensis
Instruit, & falso deludit labra Lyæo.
Quem Bizantine custos Flegetontius aule
Talibus alloquitur dictis. Sat struximus ipsi
Irarum, & sævis alimenta parauimus armis.
Seuit atrox odijs qui Thracibus imperat oris;
In pugnas coeunt, & in impia bella cohortes,
Arma fremit vulgus; amens fremit arma iuuentus,
Et grege permixto bellum, puerique, senesque,
Et proceres vili bellum cum plebe reposcunt.
Fraudibus hic nostris modus est, nec tendimus ultra,
Tendere enim vetitum, non est provincia nobis
Credita fallendi, nec tales poscimus artes,
Nec Bizantinum fas est liquisse tyrannum.
Te penes arbitrium fraudum componere moles,
Atque dolis aperire vias, tu sume figuras,
Indue tu vultus capiendis, mentibus aptos;

Siue

*Sive hominem te finge piū , seu finge nocentem .
 Decipe mentita patris sub imagine natos ;
 Si iuuat æthereæ simula regionis alumnum ,
 Et capiti radios , lucemque appone micantem ,
 Cælestisque Dei fidum mentire ministrum ,
 Iussaque falsa refer . Pereant quicumque Tonantem
 Inuisum nobis venerantur , & anxia Christo
 Vota ferunt , hominisque Dei mandata capeffunt .
 Sic ait ; & Volucris repetit penetralia cursu
 Regis inhumani . fraudum faber ocyus umbras
 Deserit infernas , turpesque paratus ad artes ,
 Et docilis versare dolos ad Cæsaris aulam
 Euolat , & sancti penetrat fastigia tecti .*

*Obuius hic curis noctem LEOPOLDVS agebat
 Insomnem , nec amica quies obrepserat artus .
 Threicios motus , Bizantinosque tumultus
 Pectore versabat vigili , quo tenderet armis
 Rex ferox , & belli rabies quem tanta maneret .
 Nouit inextinctas scelerato in Bistone flammæ ,
 Perpetuumque odium , quo Christi peruia sacris
 Regna petit , seque inuisum , totamque tyranno
 Austriacam sobolem , qua non est altera Cælo
 Gratiore , & stygio minus opportuna furori .
 Pannoniæ metuit , cuius non pauca tyranno
 Oppida succumbunt ; totamque ad perfida gentem*

Sceptra peti, nulloque animum, cui numina curæ,
 Nulla, coerceri, rerum nec limite claudi,
 Sat notum, & quantum imperij producere fines
 Ardeat, ac proferre sui poemaria regni
 Thracius, & totas tandem sibi subdere terras.
 Non secus Ægæi qui nauigat æquora ponti
 Nocte sub illuni discrimina mobilis undæ,
 Insidiasque timet sublimi è puppe magister
 Sydera respiciens rapidos minitantia cauros,
 Seu boreæ furias, lybici seu bella furentis.
 Talia dum tacito LEOPOLDVS pectore voluit,
 Curarumque æstus animum, fluctusque fatigant.
 Adducit tandem quæsitæ obliuia somnus,
 Et sensus placida pennarum aspergine sopit.
 Repperit hæc stygius texendæ accommoda fraudi
 Tempora Vertumnus, subitoque ad spectra recurrit,
 Assuetisque parat simulacris fallere sensus
 Cæsaris, & falsis mentem irretire figuris.
 In patrios vultus, manifestaque vertitur ora,
 Et FERDINANDVM simulat, falsaque verendos
 Canitie crines, mentitaque tempora vestit.
 Idem frontis honos, solio quo suetus ab alto
 Cernier, & populis leges, ac iura ferebat.
 Regia conspicuus decorabat lumina fulgor,
 Inque genis species venerabilis; omnia tandem

*Caesaris esse putes, mores imitata, sonumque
 Vocis; Et ut possint LEOPOLDI fallere mentem.
 Hunc adit, Et blando similis sic farier insit.
 Nate mihi quondam vitali dulcior aura,
 Sospite quo nunquam vitam absoluisse putabor,
 Et vestrum posuisse diem; quæ pectora cura
 Sollicitant, animamque premunt? quis mæror abegit
 Gaudia, Et immunem magni vetat esse laboris?
 Arma times, quæ Turca mouet, Thracesque phalanges
 Ingenuere metum, ne nostra in regna ferantur?
 Intempestiuo patuisti, nate, timori.
 Sollicitas tandem curarum discute nubes,
 Tristitiamque fuga. non istis bella parantur
 Finibus, Et nostris non debita prælia regnis.
 Gentibus externis molitur Thracia clades,
 Persarum domino tristes meditata catenas,
 Regibus aut alijs, quos non vicinia terræ
 Conciliant, sacri ve tibi consortia cultus.
 Prælia securus spectes aliena, tuisque,
 Sic placitum superis, ulciscere hostibus hostes.
 Bellorum immunis Germania, nulla que cernet
 Agmina Danubius tanti discriminis exors.
 Otia pacis ama, fuge bella, coactaque Ibero
 Agmina mittantur castigatura tyrannum
 Lusiadem, qui non meritos furatus honores*

24 De Bello Pannonico Liber I.

*Regia sceptrā gerit patrueli erepta PHILIPPO;
Vindice te pœnas dabit improbus, èque superbo
Deiectus solio nil stultius esse docebit,
Quam rapere Austriacæ diademata debita fronti;
Lusitadumque illi raptum sit denique regnum,
Dempta Palatino quod sceptrā fuere Boemā.
Hæc ait, & iuuenem iam mutua verba parantem
Aufugit, & volucres dicto ocyus exit in auras.*



25

DE BELLO PANNONICO.

Liber Secundus.



*Alibus insidijs muniuerat impia Thracum
Arma herebi soboles, dirasque adiuuerat artes,
Quæ Bizantinis iam pridem regnat tyrannis.
Accumulant, Asiamq; omnem, Lybiamq; patentem;
Et Danaum terras scelerata in vincula pellunt.
Non nisi per fraudes Othomana potentia magnum
Creuit in imperium; si callidus absuit astus,
Nullus erat telorum usus, modicumque laborem
Incomitata dolis, & aperta ferebat Enyo.
Spreuimus iratas acies, confessaque pugnas
Agmina, sed tectis fallacia proterit armis.
Pannoniæ fines, Istrique minoribus undis
Peruia Threicias ceperunt arua cohortes,
Seque aperit tandem dux agminis impius hostem,
Quasque diu textit Visirius explicat iras.
Tunditur immodicis cursorum hinnitibus aer,
Queis neque sufficiunt spatiosi ad pabula campi,
Nec largas satis aucta queant dare flumina limphas.
Sunt angusta virum nimis tentoria turmis,
Est humus ipsa minor: coisjsse putabis in unum
Quid-*

Quidquid ad occidentum Nabathæo à littore Thetis
Terra hominum nutrit, viduatas Ciuiibus Urbes
Huc populum misisse suum; desertaque cætu
Oppida poscentes fraudasse colentibus agros.
Hæc acie tumidus sub utroque iacentia Phæbo
Littora Bistonio ductor promittere Regi
Audeat, & pulso patrij de culmine regni
Cæsare, qua gemino fulget regina volucrum
Vertice barbaricæ largiri mœnia luna.
Crederis his dignus, NICOLAE, potentibus armis
Primus & his peteris; te Thracia credidit hostem,
In quem tota ruat, coniunctaque tela ferantur
Vnius in cædem capitis, quo sospite iactant
Esse minus tutas, quas barbarus occupat Urbes,
Nec satis ingentes populos immania Thracum
Iussa pati, dirique iugo succumbere Turcæ.
Absumpserunt tuas inimica incendia turres,
Et formidatam vicinis hostibus arcem
Deuorat ignis edax, quem non contermina vincunt
Flumina, Danubij cognata nec unda coercet.
Non eadem te fata manent; contemnere doctus
Innumeras acies, nec cuspide læsus ab ullâ,
Qua tua quæsierint irati funera Thraces,
Concidis immanis laceratus dentibus apri,
Herculeis qualem, nec tellus Menala telis,
Nec,

*Nec , Meleagre , tuis Calidonijs obtulit horror .
Sic fera Bistonias ulciscitur impia cades ,
Datque virum letho , cui fila perennia Clotho
Ducere debuerat nullo violanda sororis
Forcipe , nec digitis unquam rumpenda malignis ,
Omnibus Vngaridum ferus imminet arcibus hostis ,
Speque vorat cunctas , bellum dolet omnibus unum
Esse impar , nec diuiso velit arma mouere
Marte , leo veluti spectans de vertice montis
Dispersos per prata greges , uno impete cunctos
Inuasisse cupit , dubius quos praeferat haeret .
Eligitur tandem scelerati in limine belli
Naiafel . hostili prima haec damnata furori ,
Posse nec in multum differre pericula tempus
Credita , nec remoram factura ruentibus armis .
Et ferrũ , & flammam , & quidquid metuatur ab hoste ,
Praefecto indicit , funestaque cuncta minatur
Arbiter armorum Visirius , ocius urbem
Ni dedat , quam non longum defendere possit .
Frangitur haud ullis virtus Germana minarum
Ictibus , immoto vexilla micantia cernit
Lumine , nec segnis reperit praecordia terror .
Non secus ac cautus , pelagoque assuetus atroci
Clauiger ; ut caput vento incumbente moueri
Pontus , & effractis cecidit de nubibus imber ,*

Arte sua fretus surgentes despicit undas,
Indocilisque metus ventorum praelia ridet.
Hic iubet arctari, breuioraque lintea flatus
Excipere, hic validis subigi surgentia remis
Æquora mandat; clauo ipse interritus hæret.
Tu quoque talis eras, animisque his plenus agebas,
Cui fuerat validi custodia tradita muri,
Nec tua degeneres cecidere in pectora sensus.
At cadit, immodico premitur si pondere virtus.
Maccabeus erat multis par millibus unus
Creditus; hostiles docilis contemnere cætus,
Atque adeo intrepidus venienti occurrere morti.
Nudatum Assyriæ debellare cohortes
Milite, multiplicis perpeßsum vulnera dextræ.
Agminis instar erat, proprioque Leonida maior
Nomine, cum modica sociatus in arma phalange
Persarum turmis occurreret; esse putares
Centum homini dextras, centenæque tela vibrantes
Vno, eodemque ictu; numero sed victus ab ipso
Corruit, & celebres sacrauit sanguine fauces,
Et bellatores una cecidere trecenti,
Frangere quos magnus potuit, non flectere Xerxes.
Herculeæ quamuis virtute est copia maior.
Cingitur obsidio, premiturque furentibus armis
Naiafel, horribili tormenta sonantia bombo

*Euomere pilas, murisque ignita tulerunt
Vulnera, qui fracti rimas fecere patentes,
Bistonioque aditum non una ex parte dederunt.*

Interea magno curarum fluctuat aestu

*Cæsar, & attonitus relegit, fraudesque, dolosque,
Quos malefida quies, & falsa insomnia menti
Non pridem attulerant. sic me tua lusit imago,
Sopitumque; Pater, species conspecta fefellit?
Sic me, ait, odisti post funera, cuius in ore
Sospitis unus eram non unquam à pectore pulsus?
An licuit stygij mendacibus orbis alumnis
Fallere desumpta genitoris imagine natum?
Non species ea vana quidem; tu visus adesse
Qualis eras, dum vita fuit, vocemque ferebas
Auribus assuetam, nec verba ignota sonantem.
Nostra ne sydereo placuere impendia Regi,
Ut velit ordiri fraudes, cui sola probatur
Intemerata Fides, & Thracibus addere vires
Fascibus, ac populos scelerato augere tyranno?
Decipimur, certum est; quæ nostri erroris origo,
Scire nefas, damni quæ latent exordia nostri.*

*Aurea Cæsarei penetrarunt sydera questus,
Nec latuere patrem: non peruius ille dolori,
Nec capiunt animum, cui se Deus ipse videndum
Obijcit, & rentes hominum præcordia curæ.*

Pectus inaccessum mæroribus omnia mulcent
 Gaudia, nec letis modus est successibus ullus;
 Utque natat piscis per apertas æquoris undas,
 Ac totis permixtus aquis, sic fluctuat inter
 Delicias, summi quem possidet aula Tonantis.
 Non tamen amisit veteres LEOPOLDVS Amores,
 Nec patrio fugit de viscere, nempe parenti
 Progenies similis pietate, ac moribus æquis
 Non impar, nunquam virtutem oblita paternam.
 Non dolet; affinem poteris dixisse dolenti;
 Quem sic affatur summi dominator Olympi:
 Excute mæroris nebulas, furare labori
 Pectora, prolis amor quem parturit, hæc mage nostrum
 Cura animum tangit, nosterque in Cæsare vultus
 Semper erit, cui regnum ingens diuina parauit
 Religio, & fasces pietas submisit auitos.
 Non alius castas veneratur sanctius aras,
 Nec numeros implet probitatis amantius omnes.
 Integer annorum, primæque in flore iuuentæ
 Longeuias nutrit curas, studioque senili
 Ætatem anteuolans triplici diademate dignus
 Redditus, & nostros plene lucratur amores.
 Quo mage se prodat constanti in pectore robur
 Posse premi sinimus, propriasque indulsumus artes
 Sedis auernalis prædonibus. hæc via Calo

Te quoque donauit, Stygie prædonibus Unde
 Non leuiter licuit, patrias cum perfidus oras
 Gustauus fugiens bello tua regna cruento
 Pressit, & insanis cumulauit cadibus urbes.
 Fulminis instar erat, quo saucia Theutonis arua
 Exitium, cedes, supremæque fata timebant.
 Quæ fuerit tandem fortuna, quis exitus illi,
 Sospite te, regnisque tuis virtute redemptis
 Ipse refer. quandoque pios odisse, probosque
 Credimur, aut nostræ saltem subducere curæ,
 Quo magis in duris pandat sua lumina virtus,
 Non secus ac rapidis aperitur in ignibus aurum.

Tu quem mentitus Flegetontius incola nato
 Callidus imposuit, fraudum velamina demes,
 Grataque Cæsareæ referes solatia menti.
 Te videat qualem meruit LEOPOLDVS, & acres
 Exuat inspecta genitoris imagine luctus.
 Sic ait, & letum sublimi ex æthere somnum,
 Qui Cæli arcanum, diuinaque fata recludat
 Cæsaris in sensus, sopitaque pectora vertit.
 Non procul à porta, qua Cinthius exit, eoa
 Ianua se claro cristallina cardine voluit.
 Ante patere solet, quam phosphorus aurea pandat
 Limina solis equis, cognataque sidera Cælo
 Auferat, & totum reduci pret æthera Phæbo.

Inde

*Inde hominum in castas erumpunt somnia mentes ;
 Quaeque Deus superos explanatura recessus ,
 Consilijque sui terris prænuncia mittit .*

*Hac graditur somnus , volucrique per aera penna
 Caesaris ad sedes vehitur ; non pulchrior unquam ,
 Nec iucunda magis species mortalia pavit
 Lumina , nec menti tam dulcia gaudia duxit .*

*Hæc veluti in speculo quidquid caelestia condunt
 Atria spectandum LEOPOLDO cominus offert .*

*Scilicet hic visus spatiosum intrasse theatrum
 Lumine inextincto , flammaque perenne coruscum ;
 Nec tamen ignis obest , nec noxia flamma , sed auget
 Latitiam , summaque oculos dulcedine pascit .*

*Dum spatia , & motus oculis sitientibus haurit ,
 Atque avida bibit aure sonos , illi obuius heros*

*Lumine conspicuus , nitidoque decorus amiecti
 Aduenit , atque notis , quas mira secuta voluptas ,
 Alloquitur iuuenem ; num me , LEOPOLDE , recusas*

*Nosse , nec affaris ? genitorque à pectore nati
 FERDINANDVS ego pulsus ? nec spectra verere ,
 Fallacèsque dolos , mentitaque verba parentem ,*

*Qualia de stygio tibi perfidus obtulit orbe
 Incola , & assumpto sobolem genitore fefellit .*

*Fraudibus haud aptus locus hic ; mendacia Cælum
 Odit , & esse nequit sublimi regia fallax .*

Quæ

*Quæ noua, tunc Caesar, species imitata micantem
Lampada, & igniferos radiosi Hyperionis orbes
Notitiam menti veterem furatur, & abdit
Te mihi? mortales vincunt tam grandia visus
Lumina, nec ferimus, genitor, qua luce coruscas.
Tunc pietas suadet caro dare brachia collo,
Amplectique patrem, blandisque ambire lacertis,
Contactum euitat, cupidoque imperuia voto
More leuis nebula, volucrique simillima fumo
Labitur, & nati conatum eludit imago.
Non mihi, subridens genitor, sunt qualia, dixit,
Membra putas, nostramq; grauat non sarcina mentē.
Forma ego sum simplex, & tegmine spiritus expers,
Astrorum æternus, summique habitator olympi.
Numinis hoc templum, magnis hæ regibus ædes,
Caesaribusque vacant; olim impetraueris illas
Tu quoque, & immensum mecum transegeris æuum.
Quando, ait, hæc natus, fient? mortalia tandem
Vincula soluantur, si tam felicibus obstant
Sedibus, & lætis prohibent succedere tectis.
Te manet hæc sedes, tempeque beata tenebis,
FERDINANDVS ait, sed multa laboribus ætas
Insumenta prius; multo sudore mædebis
Sceptra tenens, & bella gerens, Cæloque rebelles,
Impiaque in superos moturas prælia gentes,*

Sub iuga demittes , domitoque ex hoste redibis
Victor , & innumeris late cumulabere palmis .
Quoque tuum magis inflamment caelestia pectus ,
Votaque concipiant vires , quibus astra petuntur ,
Erige prospectum , radijsque perennibus auctas
Contemplare plagas , oculisque has ebibe flammās ,
Quas rotat assiduo mens incorrupta meatu .
Pasce auidas miris sirenum cantibus aures ,
Sydereque melos chelis excipe . fabula quidquid
Tradidit Ismarijs fidibus , numerisque canoris ,
Amphion Thebane , tuis , qui diceris ipsos
Illexisse sono lapides , lenitaque cantu
Saxa draconigenis iussisse accedere muris ,
Est fragor incomptus , tormentumque auribus ingens ,
Vescere dum cantu , quem musica sydera promunt .
Flecte ait , (& terram digito docet indice) vultum ,
Quaeque imus capit ille globus lento inspicere visu .
Proh quam degeneres illic in praelia cause .
Humanas acuunt mentes , quam vilia virtus
Praemia vestra capit , si sunt mortalia merces
Munera , & humanus tribuit compendia census .
Circulus exiguus , desertaque nuda coercent
Fastum animi immodicum ; toto velut insula ponto
Clauditur Oceanum quem dicitis , immensumque ,
Vocibus his aequale nihil , nil denique magnum

Obtinet ; est contracta palus , stagnumque pusillum .
Dixerat hæc genitor , flectit tunc lumina natus
Nolenti similis , & risit ubi omnia punctum
Esse mare , & terras , fontes , ac flumina vidit .
Et stupuit fumo , atque umbra recordia pasci
Vota hominum , servum sibi sceptrum querere , mutæ
Addici famæ ; superum nec querere mundum ,
Ad sua qui semper nostram euocat atria mentem .
Quandoquidem , excepit , terreno exire negatur
Carcere ; nec tecum fas est habitare beatum
Æthera , pande , precor , terrena per auia callem ,
Quæque per errores hominum me semita tutum
Ducat , & à nulla fallendum ambage viarum ,
Care doce genitor , dilata ut sydera vitæ
Exitus obtineat , supera que in sede quiescam .
Quod premis , hoc verax iter est , hoc tramite cursum
Perfice , ait genitor , sic æthera certus habebis .
Quoque minus dubites , quæ sint ventura docebo ,
Me sequere . occulti natum inconclauia Cæli
Deuehit ; hic moles opus admirabile surgit ,
Quam manibus struxisse suis diuina Pronæa
Creditur , & miris passim variasse figuris .
Nō ferrū , aut calybes , parium-ve thoremata marmor
Hæc posuisse putes , ea sunt cristallina visu
Peruia , sed nulle valeant corrumpere vires ,

Nec longum absumat ventura in sacula tempus.
Austriadum hic miro series emblemate regum,
Cæsareæque domus illustra facta leguntur,
Nec magis exculto docere impressa libello.
Hic R I D O L P H V S erat Aspurgi ex principe Cæsar,
Primus in Austriacam qui sceptrâ potentia gentem
Transtulit, in magnum missus, lateque verendum
Imperium, triplicique caput Diademate cinxit.
Religio hoc illi decus immortale poposcit;
Quandoquidem niuea Christum sub fruge latentem
Pronus adorauit deserta per auiâ vectum
Pauperis ad sedes, quem fata suprema manerent.
Quadrupedique suo iussit considerare mystam
Numinis æterni vectorem, & vertice nudo,
Ac pedes est equitem paruam comitatus ad ædem.
Hic S I G I S M V N D V M spectat, quo clarior alter
Gentile imperium, nec Cæsaris auxit honores.
Deinde per innumeros currens longo ordine reges
Ad propiora oculos atauorum stemmata ducit,
Tuque capis iuuenem cunctorum maxime regum
C A R O L E, inaccessos cui virtus tradidit orbes,
Et terras alio nitidas à Sole regendas,
Ignotos priscis populos dedit. Vltima Thule
Credita terrarum, limesque nouissimus orbis
Nunc media est, minimumque loci se sentit obisse;
Ter-

Terrarumque breues tractus , cui meta locatur
 Insula Romanis olim non peruia signis .
 En Abylam nauta , Calpenque irridet Iberus ,
 Qui comes occiduas solis fugientis ad oras
 Æquora puppe , secat sine littore credita quondam ,
 Et tibi in Americis auri pretiosa fodinis
 Pondera , & ingentes venatur , CAROLE , gazas .
 Hic minor imperio , sed non virtute secundus
 FERDINANDVS auus rutilat , cui pectora cultus ,
 Christe , tuus , studio vinxit , labefactaque nullo
 Tempore relligio sacris ardoribus vssit .
 Dulce erat antiquas visu libare figuras ,
 Gentilesque patrum species ; huc conijce visum ,
 FERDINANDVS ait , venturaque perspice fata ,
 Nate , tuamque oculis sortem meditare futuram .
 Hic acies armis opifex diuina coruscas
 Finxerat , hic tybes , atque oppida diruta bello :
 Quadrupedes hinnitus putes , viuientia tantum
 Vocibus ora carent , quarum non indiga dices ,
 Si credas oculis , nec conscia iudicet auris ;
 Naiasel occurrit vexata furentibus armis ,
 Obsidioque gemens ; nimirum prima furoris
 Victima Threicij , pretiumque ignobile fraudis .
 Vulnerat hæc species LEOPOLDVM , & læguida tristis
 Lumina fletus habet , cum mœnia peruia telis ,

Igniferisque globis, quos Cacus aheneus edit,
 Quassa videt, cadesque virum, gemitusq. cadentum,
 Et patulam tandem signis furialibus urbem
 Venturi præsaga docent simulacra; quid, inquit,
 Hoc tam grande malum meruit pietatis alumna,
 Religione potens, nec cultum oblita supremi
 Numinis urbs, semper stygium aspernata furorem?
 Pannoniam spondent leta hæc exordia totam
 Thracibus, & nullo frenatus ab aggerè serpet,
 Ac nostrum late imperium populabitur ignis.
 Solue metus animo, nimio nec tangere luctu,
 Excipit hic genitor, levis hæc iactura ferenda,
 Nate tibi, regnisque tuis. Non pauca licere
 Vult Deus omnipotens scelerei, scelerumque magistris,
 Quo magis emineat probitas, pietasque suorum.
 Ut capit interdum vicino à frigore vires,
 Augeturque calor putealibus insitus undis,
 Dum fera sœuit hyems, riguitq. interfluvius aer,
 Qui perit affini dum terra incanduit aestu;
 Sic mala virtuti scelerum contagia prosunt,
 Et pietas crescit, quam culpa inimica laceffit.
 Ni fuerant tristi gaudentes cæde tyranni,
 Scandisset nullus Cæli capitolia martyr.
 Sic Nero victrici ditavit sydera Lauro,
 Heroasque dedit tot Domitianus Olympo,

Cæde quot innumera strauit probitatis alumnos.
 Sospes in aduersis cadit inter prospera virtus.
 Christiadam probitatem acuit vice cotis, & auget
 Bizantina lues, Othomana perfidus aula
 Arbitræ, insensus superis, stygiique baratri
 Perpetuus miles, mundi que ad publica natus
 Exitia, indocilis nullique ignoscere genti.
 Non impune tamen non debita sumpserit arma
 Barbarus, & pacis violarit fœdera prædo.
 Aspice qui modicas deducit ad æquora lymphas,
 Pannonios fluuius radens ignobilis agros,
 Nobile nomen erit, fama que superstitæ cades
 Monstrabit Scythicas, scelerataque funera Thracum.
 Arrabo iam nomen, nullique incognitus æuo
 Dæfluat historia celebris, cantuque perenni
 Gentis Apollineæ, cui doctas educat undas
 Bellerophonteo reſeratus ab alite gurgis.
 Hunc canet Ausonio diuinus carmine vates
 Heroum soboles, & auorum maximus Heros
 DELPHINVS, cui visa suam Phebea dedisse
 Barbiton Euterpe, tragicum indulſiſſe coturnum
 Melpomene, & clara medulandi laude Camæne
 Conceſſiſſe omnes. Huic doctis cantibus impar
 Armenias Tigres, iracundosque Leones
 Thracius emulſit, fluuiosque coercuit Orpheus,

Traxit & auritas ad plectra sonantia sylvas.
 Et minor iratum sibi subdidit equor Arion
 Ionias pando vectus DELPHINE per undas,
 Dum fugeret puppim, quæ fata inimica parabat.
 Concinet exhaustos gladijs ultoribus hostes,
 Inuictumque ducem, nostris qui præsidet armis,
 Turcarum exitium, Bizantinique furoris
 Supplicium, ac frenū RAIMVNDVM ad sidera tollet;
 Cui sua Bistoniæ debebunt damna cohortes,
 Præcipuasque neces, consumptaque corpora ferro,
 Et data flumineis inhumata cadauera lymphis.
 Nec magis extincti commendauere Quirites
 Caruleum Trebiam, te siue, Metaure, peremptus
 Asdrubal, & latia consumptæ cæde cohortes,
 Quam Bizantina celebrabitur Arrabo cæde.
 Decolor ibit aquis, & miles saucius aestu,
 Immodicaque siti fauces quatiente cruorem,
 Non gelidos latices, & amicas ebibet undas.
 Segniter incedet, cumulata cadauera segnes
 Iniectura moras, & tardatura ruentem.
 Discet Erythraas Pharao Bizantius undas
 Esse sibi, quæ sceptræ gerit iustissima Cæsar;
 Sentiet & nostras sua fulmina ferre volucres,
 Et tandem ultorem scelerum, rapidique furoris
 Nouerit esse Deum, qui scandere culmina fontes,
 At-

Attollique sinat ; quo casus denique maior
Excipiat lapsos ; grauioraque damna ferentes .
Fœdera qui spreuit , quique esse poposcerit hostis ,
Pacem ultro optabit crudelia bella perosus ,
Et male quæ sumpsit , furijsque auctoris arma
Ipse volens ponet , corruptaque rursus amabit
Ocia , nec tristis repetet discrimina pugnae .
Nec tamen oblatam , nate , aspernabere pacem ,
Quem iuuat ultorem differre in postera martem
Tempora , & optatis cessare parumper ab armis .
Coniugio firmanda domus ; tædæque iugali
Sufficienda tibi soboles , qua nostra perennent
Nomina , & Austriaca veniant ab origine reges ,
Dum regnum , dumque Orbis erit , dum terræ coletur
Interea in vitreis species animata tabellis
Cæsaris aduertit mentem , nec verba parentis .
Exaudire sinunt tantæ miracula formæ .
Virginis hic vultus qualem nec Homérica finxit
Calliope Lædæ sobolem , quam pastor amauit
Dardanus , & mille Graium petiere carinæ ;
Nec Venerem Cœus mira arte imitatus Apelles ,
Cui dedit exemplar per multas sparsa puellas
Vnius in speciem species adducta figura .
Eximia impubis componunt corporis artus
Membra , nec his quidquam natura inuexit ineptum ,
Nil

Nil nisi concinnum, textuque decente beatum.
 Est niue candidior facies, nitidoque colore
 Ipsam etiam vincit superum per compita Pheben
 Orbe pererrantem pleno, tenebrasque fugantem,
 Quas iacit umbra soli, cum deserit aethera frater.
 Æmula labra rosis, conuestit purpura malas,
 Ex ebore albescunt dentes, duo lumina soles.
 Esse putes geminas, tam clara luce coruscant.
 Decolor est aurum, nec lumine prouocat ullo
 Lumina, si crines per candida colla fluentes
 Aspicias, hos auræ crispant, quas credis amantes
 Egregij capitis complexu ambire perenni.
 Hac magis augustum nihil est, ac virgine maius.
 Heret in obtutu LEOPOLDVS imaginis, ac si
 Gorgona spectaret, vel cuncti fulmina sensus
 Cominus illapsa efficerent, ac mentis egentem.
 Ut stupor absoluit pectus, resolutaque linguae
 Vincula, cui vultus voces mirandus ademit.
 Dic age, quam monstrant, inquit, speciosa puellam
 Signa, Pater? nec mortalis puto virginis esse
 Tam clarum, mirumque decus, nihil infimus illi
 Par habuit mundus, cælestis alumna penatis
 Forte erit, & vultus opibus radiantis olympi
 Auget opes, Cælumque facit locupletius ipsum.
 Illi subridens genitor de sanguine, dixit,

Fami-

Fœmina, quam cernis, nostro est, authorque futura
Stipitis æterni, qui nullo intercidat ævo,
Sæcula venturis & cuncta nepotibus æquet.
Effigiem spectas, animum nequiere colores
Luminibus præbere tuis, iacet abdita morum
Gloria, & arcanos condunt penetralia sensus.
Nobilitate latent. diffusa per omnia virtus
Pectora in unius facta velut agmine pectus
Virginis incubuit: quidquid laudabile iactat,
Quidquid honoratum nostra hæc in tempora nomen
Fœmineum, cætu Virgo complectitur omni.
Hactenus ignotæ decus immortale puellæ
Nate tibi eloquimur? duplex ea littera signo
Subdita celestis digito formata Pronææ
Quod cupis ostendit (fuit. M. cui iungitur Alfa)
Margara nomen habet, celebris cognomina fecit
Austria; iam thalamis hæc pridem debita Virgo
Est, LEOPOLDE, tuis; connubia talia nostrum
Firmatura genus, clarosque datura nepotes,
Vnde ferox pereas, Othomane, auulsaque tandem
A fundamentis domus impia quidquid auitis
Cæsaribus dempsit, malepartaque sceptrâ relinquet.
Bistone deiecto redeunt obnoxia soli
Portio terrarum cultus exosa nefandos,
Nec dignata sequi Stygij mandata tyranni

Chri-

Christiadum leges, diuinaque iussa capeſſet.
 Proh felix ætas, felicia tempora! Cælo
 Seruiet omnis humus, patriumq. ſubibit auernum?
 Dira ſuperſtitio, cæcisque recondita luſtris
 In ſuperos bellum nullum, nulla arma mouebit.
 Debita Cæſare æ tanta eſt hæc gloria genti;
 Vt Bizantinas rapiat prædonibus arces,
 Et terræ inuiſam, Cæloque à ſtirpe reuellat
 Progeniem, quam terra pauet, quam cuncta verentur
 Æquora; tam late ſceptrum exerit illa cruentum.
 At tu natali properantem à littore ſponſam
 Nate alacer capies; triſtes hæc fœdera curas
 Pectore propulſant omnes, Hiſpania luctus
 Abijcit, erepti quem fata dedere PHILIPPI.
 Ante tuos quam nata thoros conſcendat, in aſtra
 Iam ſocer adueniet, ſuperique futurus olympi
 Incola præcedet generi, natæque Hymeneis
 Lugubribus facibus, properataque gaudia luctu
 Imbuet, & magnos reſonabit Iberia fletus.
 At vos æquoreæ venienti aſſurgite lymphæ,
 Vos heroinæ placidi fræta ſternite venti;
 Nimbiferos Austros, triſtesque Aquilonis hiatus
 Æolus obſtringat, lybicasque coerceat iras;
 Indomitos frenet ſiculis in rupibus Euros.
 Sola per Apricos ſpirabilis aura Fauoni

*Thetidis exultet campos, pronoque feratur
 Gurgite, quæ Ligurum pretiosum ad littora pondus
 Classis agit; non imbre solum diuerberet aer,
 Nec ferat immodicos soboles Hyperionis æstus,
 Ceperit optatam donec Germania nuptam,
 Et fuerit felix possessa Coniuge Caesar.
 Hec FERDINANDVS, subitoque euanuit instar,
 Quem notus exagitet, fugientis in æthera fumus,
 Siue levis nebule Phæborutilante fugatæ.
 Somnus abit; referans oculos LEOPOLDVS, ab undis
 Eduxisse suos sentit Titana iugales,
 Et totum ætherio Vestiri lumine Mundum.*



Plausus ob Victoriā Pannoniæ
aduersus Turcas.



Vlcimus, & votis aures peperere benignas,
Nec despexerunt sydera celsa preces.
Impune haud semper sperni sua numina Cælū,
Et sacra nequitie iura patere sinit.
Ignibus absumpti superis cecidere gigantes,
Et premit Enceladum rupibus Ætna suis.
Ætæra cum terris Phæcton incendit, & undis,
Eridani huic rapidæ busta fuistis aquæ.
Fata premunt fontes: exemplo territus horum
Debueras Biston impius esse minus.
Te nihil in terris sceleratius, omnia vincis
Crimina, flagitij's meta nec ulla tuis.
Non ita maturas ignis populatur aristas,
Et sua frugiferis munera demit agris.
Vt tuus excindit nostras furor impius cras,
Et populos, superis qui placuere, premit.
Mitior arua vorat, fruticesq. absunit, & herbas,
Letaq. pampineas per iuga sternit opes,
Cum ruit e Cælo durum concretus in imbrem,
Grandineoque ferit verberare nimbus humum;
Quam

Quam ferus Odrysijs erumpens miles ab oris
 Eamenidum tristi signa canente choro,
 Urbibus exitium meditatur, & oppida flammis
 Cumque suo populo rustica tecta vorat.
 Pannonios fines, inuictaq. regna Liburni
 Promisere tuo Thracia castra iugo.
 Hec tibi Theutonicas, & Magni Caesaris urbes
 Pacta, quibusque micat Parrhasis Vrsa plagas.
 Non spes illa fuit, fiducia pectus alebat,
 Qualis ab incertis rebus abesse solet.
 Securum euentus vesana superbia fecit;
 Illa animo dubium iussit abesse metum.
 Abstulit & curas; hostes cecidisse putabas,
 Subque tua Caesar creditus esse manu.
 Interea Veneris furialia castra secutus,
 In bello hoc miles fortis, & acer eras.
 Virgineum rapuisse decus, violasse pudoris
 Lilia, laudatas contemnerasse niues;
 Hic honor, hæc celebri victoria digna triumpho,
 Hinc habuere tuum laurea ferta caput.
 Maior Alexandro visus tibi, Casare maior,
 Et tamen infamis Sardanapalus eras.
 Sed Bizantine successit nuncius urbi,
 Credo equidem e castris mittitur ille tuis.
 Scilicet hic victos hilaris tibi nunciet hostes,

Fractaque Bistonia Caesaris arma manu.
 Nunciet accepisse tuas late oppida leges,
 Christi adumque sacras procubuisse domos.
 Eiectum ex aris Christum Mehemete recepto,
 Pro Cruce lunigeris templa patere notis.
 Sic tibi blandiris, letis successibus auctus
 Post hac nil durum, quod verearis, habes.
 At superum mores, nec Caeli intelligis artes,
 Omnia ut ignores ars tibi nempe prior.
 Auctores scelerum patiuntur in aera tolli,
 Et veluti alarum remige ad astra vehi,
 Quo tandem in terras lapsu grauiore recedant,
 Exceptosque solo debita fata premiant.
 Sic viget, & parulis obuelat frondibus auras
 Ingentesque umbras arbor opaca iacit.
 Hanc adit, & validam dextra iacente bipennem
 Rusticus ingenti pondere steruit huius.
 Pabula sunt ignis, ramique, & robora trunci,
 Atque auidæ totam corripuere faces.
 Te quoque, qui summo tibi crederis æquus Olympo,
 Ætherias visus præterisse plagas,
 Excipient casus, præceptusque elapsus in inum
 Ignibus æternis esca perennis eris.
 En turmæ periere tuæ, periere phalanges,
 Deletas acies nuncius iste refert.

Vidi-

Vidimus. Irubuit cum linqueret aquora Titan;
 Hesperia mergi cum properaret aqua.
 Lunaque fraterni vultus imitata ruborem
 Decolor infesta polluit ora face.
 Nimirum iratum formidabamus Olympum,
 Ne foret exitij præscius ille color.
 Bistonidum clades, & tristia fata docebat,
 Monstrabatque tuas, Thrax scelerate, neces.
 Infremis; accensam rapit indignatio mentem;
 Irarumque ingens pectora fluctus habet.
 Vix ita terribiles animam consuevit in iras
 Pandere Caucasei Tigris alumna laris,
 Cum præda locuples natis alimenta reducit,
 Quos venatoris dextera surripuit.
 Ocyus illa legens vestigia fulminis instar,
 Et citior vento littora nota petit.
 At tutus pelagi raptor se credidit undis,
 Et vehitur celeri per vada salsa rate.
 Quadrupedem laniat, quem littore raptor in ipso,
 Quo citius peteret cæcula, deseruit.
 Nec satis; iratos sibi sæua exasperat ungues,
 Et sua crudeli viscera dente premit.
 Nec tibi tu parcis baccante in corda furore
 Vesano infames demetis ungue genas.
 Sceptra solo affligis, capiti diadema reuellis,

D


Nec

*Nec modus est ira, meta nec ulla tuae;
 Credo equidem superis irascere, impia promissura,
 & astra tuis iam patuere minis.
 Nec minus insanis, quam Persa insanijt olim,
 Verbera qui ventis, vincla parauit aquis.
 Hostes disce tuos. LEOPOLDVM in bella laceßis,
 Cui pietas regnum, religioque dedit.
 Qui regnum hoc unum, & dominandi comperit artem,
 Si modo se famulum præbeat ipse Deo.
 Si sibi det leges, sibi præsit, & improba frænet
 Vota, nec in vitij probra, nefasque cadat.
 Huic coniurati veniunt ad classica venti,
 Flumineæ, & magni militat unda maris.
 Hausit Danubius tua castra, hausere phalanges,
 Pannonij fines queis dirimuntur, aquæ.
 Et quæ Theutonicos turmæ euasere mucrones,
 Disiectæ in rapidis interiere vadis.
 Qui te cognatum Cælo, superisque putabas,
 Et tibi creditus es proximus esse Deo.
 Te te dedoceas, superis inuisus & astris,
 Impia in æternum prouehis arma ducem.*



51

Omnia elementa in Turcas pugnant.



Omnia Bistonias odere Elementa cohortes,
Ignis, aqua, & tellus, aëriaque plage.
Omnibus unus amor sceleratam exscindere gentem,
Ex merita infandas sternere cæde manus.
Vrere vult ignis, vult unda immergere, tellus
Sorbere, aëria concutere imbre plage.
At dirimunt litem; sibi partem singula poscunt
Muneris, & iuncto robore bella gerunt.
Igniti feriere globi, vorat unda fugaces,
Terra abigit, pluvia ex aere dira premit.
Disce hinc Christiadas Cælo, superisque probari;
Quorum hostem vltisci cuncta Elementa velint.



Turca vnda, & igne consumitur. D



Mouit in *Æaciden* quondam *fera* *prelia* *Xantus*,
Magnanimoque viro fata daturus erat.
At tulit auxilium Vulcanus, & ignibus vndas.
Abstulit, ablatae nec nocuistis aque.
Thraces in arma vocant fluij, belloque laceffunt,
Inquē suis optant perdere vorticibus.
Vulcani auxilium sperant, ignemque fauentem,
Qui sibi Achillaum robur inesse putant.
Thracia sed Martis quos patria credita misit,
Mulciber optatam ferre recusat opem.
Quin Martem vlturus lecti ob conuicia, Thraces,
Quos vnda absorbent fluminis, igne vorat.



53

Turca fluminis vndis immergitur.



Flumina Bistonides, heu linquite flumina turma,
Fluminea vobis fata parantur aqua.
Credo equidem vestras voluissent tergere labes,
Labibus extersis conciliare Deo.
Respuitis, sordesque placent, turpesque videri
Poscitis, & mundi pectoris esse pudet.
Talibus haud parcit, irataque fluminis vnda
Fata, quibus nequijt ferre lauacra, parat.
Ibitis ad stygium vestris cum sordibus amnem,
Et nigram illoti trajicietis aquam.
Illa immunditiem vestram, labesque probabit;
Odere immundas flumina nostra feras.





D *Vm redit Augustus, Thraces periere cohortes,
 Quas fatum extremum mense oriente premit.
 Huius nempe Petro sunt sacra exordia mensis,
 Quæ recolunt sancto Vincula adempta seni.
 Clauiger ille poli, sanctumque recludit Olympum,
 Christiadumq. animis pandit in astra viam.
 Et Turcis aperire velit, sed sydera Turcæ
 Odere, & Cælo vindice bella gerunt.
 His herebum referat, stygioque addicit auerno,
 Et iubet æternum vincula dura pati.
 Sydera sunt Petro, sunt Tartara subdita, ni det
 Sydera, Tartareis iam dabit ille lacus.*




Incendium Esdrinæ Arcis flumina
vlciscuntur.



Corripit ignis edax Esdrini Principis Arcem,
Et totam extemplo flamma inimica vorat.
Sic Bizantinæ blanditur Mulciber iræ,
Et furias Thracis militis igne iuuat.
Indolere nefas inimicæ flumina flammæ,
Et tanti pœnas expetiere mali.
Arrabon, & Muram accersens incendia questus
Danubius Turcis damna parare iubet.
Vindictam hi subito meditantur, & impia poscunt
Agmina, ut in cædes, quas meruere, ruant.
Pugnatur. Thraces si qui fugere mucronem
Theutonicum, hos rapidis Arrabo mergit aquis.



Ad Susam Cæsarei exercitus Castrorum Præfectum.



S *Vsa tuum viuet, dum current secula nomen,
Dum vehet eoo Phæbus ab axe diem.
Barbaricas tu Letho acies, atque agmina credis,
Et totam hostili sanguine tingis humum.
Inde seges, messisque tibi quam maxima laudum,
Atque ex purpureo gloria surgit agro.
Tu spes Theutonica non deceptura salutis,
Ingens Turcarum, perpetuumq. malum.
Macte animi, sævasque acies preme, cæde, trucida,
Numquam Bistonij's ex saturare malis.
Scipio deuictis est Afer dictus ab Afris,
Tu quoque deuicto Bistone Biston eris.*



57
Ad Raimundum Montecuculum Cæ-
farei Exercitus Imperatorem.



Pannonias intrat Turcarum exercitus oras,
Et totam innumero milite sternit humum.
Esse putes Xersem, qui Persica deuehat arma,
Quanta olim in Danaos exonerauit agros.
Annibalem dices Lybicas duxisse cohortes,
Cymbrorumque feras huc properasse manus.
Quis fuerit magni Themistoclis instar? Et hostem
Iusserit audacis pœnituisse viæ?
Scipio quis, Mariusque truces frenauerit iras?
Scilicet is nobis tu RAIMVNDVS eris.
Non Grecis, non Ausonijs ductoribus impar
Agmina tu merita Turcica clade premis.



In Turcam.



Quam Venam, Othomane, tibi tam diri causa furoris,
 Hostis ut offensi Caesaris esse velis?
 Audacem faciunt Asia, Lybiaeque cohortes,
 Quas numeri indociles impia in arma moues?
 Innumeras spernit fortis Germania turmas,
 Quae modica didicit vincere bella manu.
 Te Regum ostentas, bellatorumque gigantem?
 Fulmina quae sternant Caesaris ales habet.
 Auspice bella moues herebo, Caelo auspice Caesar;
 Aetherij stygius militis arma pauet.
 Otia pacis ama, tristes fuge barbare pugnas,
 Vinceris quoties Caesari hostis eris.



59

In auspiciatissimis Nuptijs Leopoldi,
& Margaritæ Austriadum.



O Lim homini nupsisse Deæ, sponsasque putati
Dij quoque ab humanis appetijſſe toris.
Sic Venere Anchises dignatus, Thetide Peleus,
Est Europa ſui credita nupta Iouis.
At valeant vatum mendacia, nulla Dea uſquam eſt;
Nec talami patiens, coniugijque Deus.
Si qua foret mulier ſupero ſocianda marito,
Deque aliqua poſſet quis pater eſſe Dea;
Aſtriaca Æthereo nupsiſſet MARGARA ſponſo,
Ætherea dignus coniuge Cæſar erat.
Ambo homines; vincunt humana ſed omnia tantum,
Vt penè finitimos dixeris eſſe Deo.



Ad

Ad Virginein Delparam.



VIRGO potens rerum, summi formosa Tonantis
 Nunquam libata Virginitate Parens.
 Cerne quibus nostras irrumpat Thracius oras
 Viribus, & seuis catibus arua voret.
 Oppida consumit, populatur cedibus Urbes,
 Et loca limphato cuncta furore premit.
 In Natum fera bella tuum tam tristia ducunt
 Agmina, deducunt in tua templa faces.
 Vindice te pœnas soluant, infensa que Cælo
 Perpetuam eclipsim Luna Othomana obeat.
 Nempe tuum hoc munus, nam caro inspecta IOANNI
 In Cælo est pedibus subdita Luna tuis.

